

- 117 Undir þetta lagaákvæði telur ráðuneytið að falli samningar um skipting  
30. nóv. fátækraframfæris, sem gerðar hafa verið vegna hreppskiptinga og að þeir brjóti ekki í bág við aðalreglu framfærslulaganna um framfærslu styrkþega.

Því úrskurðast:

Samningur hreppsnefnda Blönduóshrepps og Torfalækjarhrepps, um skipting fátækraframfæris, sem rót sína eiga í félagsskap þeim, sem átti sér stað milli þessara hreppa fyrir skipting „Þorkelshólshrepps hins forna“, skal í gildi vera, og skulu framangreindir fimm styrkþegar framfærast af Blönduóshreppi og Torfalækjarhreppi, svo sem verið hefir fyrir gildistöku framfærslulaganna nr. 135, 1935.

Þetta tilkynnist yður hérmeð til frekari birtingar fyrir hlutaðeigandi hreppsnefndum.

- 118 **Bréf atvinnu- og samgöngumálaráðuneytisins til sýslumannsins**  
15. des. **í Gullbringu- og Kjósarsýslu, um greiðslu barnsmeðlags samkvæmt 3. mgr. 58. gr., sbr. 2. mgr. 12. gr. framfærslulaga nr. 135, 1935.**

Oddviti Kjósarhrepps hefir áfrýjað til ráðuneytisins úrskurði sýslumannsins í Gullbringu- og Kjósarsýslu, dags. 8. júní þ. á., sem ákveður að Kjósarhreppur skuli endurgreiða Reykjavíkurkaupstað meðlag að upphæð kr. 240.00 með óskilgetnu barni Ragnheiðar Steinsdóttur og Friðriks Guðmundssonar, fyrir tímabilið frá 14. febrúar til 14. ágúst 1936.

Eins og tekið er fram í hinum áfrýjaða úrskurði var Friðrik Guðmundsson skráður til heimilis í Reykjavík á árinu 1935, en 12. febrúar þ. á. réðist hann að Blönduholti í Kjósarhreppi til loka eða 11. maí s. á. Bæjarsjóður Reykjavíkur var krafinn um greiðslu ofangreindra meðlaga þann 21. febrúar þ. á. og var Friðrik því heimilisfastur í Kjósarhreppi þegar greiðslunnar var krafizt. Þar sem nú ekkert er upplýst um það í máli þessu að styrkþeginn hafi átt lögheimili í Reykjavík á greindum tíma, verður samkvæmt 3. mgr. 58. gr., sbr. 12. gr. framfærslulaganna, að staðfesta úrskurð sýslumannsins.

Þetta tilkynnist yður, herra sýslumaður, hér með til frekari birtingar fyrir hreppsnefnd Kjósarhrepps.

- 119 **Bréf atvinnu- og samgöngumálaráðuneytisins til bæjarstjórans í**  
18. des. **Hafnarfirði, um greiðslu barnsmeðlags, samkvæmt 58. gr. framfærslulaga nr. 135, 1935.**

Með bréfi dags. 24. júlí þ. á., hafið þér, herra bæjarstjóri, áfrýjað til ráðuneytisins úrskurði bæjarfógetans í Hafnarfirði, dags. 14. s. m., sem ákveður að Hafnarfjarðarkaupstaður skuli endurgreiða meðlag með barni Árna H. Bachmann að upphæð kr. 200.00 fyrir tímabilið frá 27. desember 1935 til 27. júní 1936.

Eins og tekið er fram í úrskurði bæjarfógetans var meðlag þetta greitt úr bæjarsjóði Vestmannaeyjakaupstaðar þann 11. janúar þ. á. Samkvæmt æfiferilsskýrslu Árna hefir hann átt heimili í Hafnarfirði frá 11. maí 1935 til 11. maí 1936 og var hann sveitlægur í Vestmannaeyjum til 31. desember 1936 samkvæmt fátækralögum nr. 43, 1927.

Endurgreiðslukröfunni hafið þér mótmælt á þeim grundvelli, að þar sem ofangreint meðlag féll í gjalddaga á þeim tíma er styrkþeginn var sveitlægur í Vestmannaeyjum, þá sé það Vestmannaeyjakaupstaður sem beri að greiða meðlagið.

Í 3. mgr. 58. gr. framfærslulaganna nr. 135, 1935, er svo ákveðið að það sveitarfélag skal inna greiðsluna af hendi, þar sem barnsfaðir á lögheimilið, þegar greiðslunnar er krafizt.

Með því að það er upplýst í máli þessu að Árni H. Bachmann átti lögheimili í Hafnarfirði 11. janúar þ. á. þegar greiðslu meðlagsins var krafist úr bæjarsjóði Vestmannaeyjakaupstaðar, þá verður samkvæmt ofangerindu lagaákvæði að staðfesta úrskurð bæjarfógetans og skylda Hafnarfjarðarkaupstað til þess að endurgreiða Vestmannaeyjakaupstað hið umkrafða barnsmeðlag að upphæð kr. 200.00.

Þetta tilkynnist yður hér með til leiðbeiningar.

**Bréf atvinnu- og samgöngumálaráðuneytisins til sýslumannsins í Gullbringu- og Kjósarsýslu, um greiðslu barnsmeðlaga, samkvæmt 2. mgr. 12. gr. framfærslulaga nr. 135, 1935.**

Borgarstjórinn í Reykjavík hefir áfrýjað til ráðuneytisins úrskurði sýslumannsins í Gullbringu- og Kjósarsýslu, dags. 11. júlí þ. á., þar sem Keflavíkurhreppur er sýknaður af kröfu Reykjavíkurkaupstaðar um endurgreiðslu á meðlagi með óskilgetnu barni Ólafs Sigurðssonar og Jóhönnu Pálsdóttur fyrir tímaabilið frá 9. ágúst 1935 til 9. ágúst 1936 að upphæð kr. 480.00.

Eins og tekið er fram í hinum áfrýjaða úrskurði, var ofangreint meðlag greitt úr bæjarsjóði Reykjavíkur 26. febrúar 1936. Í meðlagsúrskurðinum, útgefnum 1. febrúar s. l., er Ólafur talinn til heimilis á Hverfisgötu 15 C í Hafnarfirði og í birtingarvottorði stefnuvottanna 15. s. m. er hann talinn heimilisfastur í Njarðvíkum í Keflavíkurhreppi. Síðastliðið ár er hann skráður á manntali á Vesturgötu 28 A í Reykjavík. Jafnframt er það upplýst í máli þessu, samkvæmt yfirlýsingu Ólafar Ágústsdóttur, sem hefir skráð styrkþegann á manntalsskýrsluna, að skráning þessi hefir farið fram samkvæmt beiðni foreldra Ólafs, en samþykki húsráðanda var ekki fengið fyrir en eftir á. Foreldrar Ólafs fluttu héðan úr bænum til Hafnarfjarðar fyrir manntalið 1935. Ennfremur er það tekið fram í téðu vottorði Ólafar að styrkþeginn hafi ekkert húsnæði eða herbergi haft á leigu hjá henni og hafi ekkert dvalið þar, en aðeins fengið að sofa þar nótt og nótt þegar hann hefir verið á ferð í bænum.

119

18. des.

120

19. des.